

OMUKWETU

Registered at the General Post Office as a Newspaper



Ombiichafi Dr. L. Auala
nataaga mudiike la Elek.
Ehekelele tala kep. 5.

JULI 1973

No. 12

EHOKOLOLO LYOLWEENDO LWONGERKI OKUZA 1969 - 1973

Lya hokololwa ku dr. L. Auala

Oshigongingerki shomOngerki yOwambokavango shoka sha kala mOngwediva petameko lyomwedhi nguka, osha pulakene ehokololo lyokukalamwenyo kwOngerki muule womimvo 4 dha piti komuwiliki gwOngerki ndjika dr. Leonard Auala. Nando oshindji shi nyanyudha nenge shiyemateka sha ningwa mOngerki ndjika, omumbisofi okwa ti kutya ye ota tumbula ko ashike iinima ooyimweyimwe, okuhambelela eeNditho lyaKalunga.

Iilyo yOngerki

Muule womimvo ne dha piti Ongerki oya koko niilyo iipe 35,664. Oyendji yomumbaka oya za muupagani, ehokololo lya ti. Naashika otashi holola kutya Ongerki ndjika oyo Ongerki yetumo, tayi longo oshilonga shetumo. Shika otu na oku shi hambelelela Kalunga ngo ta longo maapiya ye aauvithi yevangeli, maalongi yoosikola dhomashasho, unene mumboka haa endaenda momikunda dhaapagani noku ya hokololela Jesus. Ongerki ayihe ngashingeyi oyi na iilyo 213,796.

OMAGONGALO

Okuza 1969 omagongalo mOngerki ndjika oga li po 41 ageke, ngashingeyi oge thike 49. MOkavango omwa totwa egongalo limwe, mOndonga limwe, mUuningininino 6. Omagongalo omape otaga longekidhwa natango mUukwanyama nomOndonga, naashika otashi gwedhele ompumbwe yaasitagongalo mOngerki, osho ehokololo lya ti.

Okukandula po omukundu nguka, Epangelongerki olya utha aayevangeliste 15 ya putudhilwe uusitagongalo mEngela, oshoka kOtjimbingwe inaku monika ehala. KOtjimbingwe wo oku na aalongwa 13, yamwe taa piti nuumvo nooyakwa wo omumvo tagu ke ya 1975.

Aasita ye li miilonga

Aasitagongalo mboka ye li miilongayakulo yomagongalo nomOngerki ayihe oye li 87, na 2 taa tsikile eilongo lyawo kombanda yomafuta. Yatatu oya gandjwa othitha komwamengerki mUushimba, 2 oya laleke miilonga ya ka ninge aalongisikola, yaali oya laleke ya ka ninge ooministeli dhelongo. Omusamane Elia Nero mba moKavango nomusamane Kornelius Ndjoba. Aamwaneme mbaka otaa pumbwa shili omagalirano neno gwetweni, oshoka oye li pokati kamumpaka namumpaka.

Muule womimvo ne Omuwa okwa ithana po wo aasitagongalo 3 ya ye kevlululuko lyaana yaKalunga; Festus Ambinga, Malakia Hauuanga na tatekulu Mika Shifula.

Elongo lyuukriste moosikola

Epangelongerki ngashi lya utha nale omusita Hosea Nampala a kale omutonateli gweputudho lyopakriste moosikola dhaanona nomutonateli gwelongo lyOmbimbeli, osho wo mOsekundosikola yepangelo mOngwediva moka aagundjuka ye-

tu yomathele ogendji haa putudhilwamo, Epangelongerki olya langeke mo aasitagongalo Apollos Kaulinge naIsmael Nhinda paindilo lyepangelo lyoosikola, nohatu shi pandula shili, oshoka aagudjuka yetu oya pewa ngaaka aahungimwenyo popepi nayo.

Eyakulo lyaalumentu ku C.D.M.

Omumvo kehe Epangelongerki oha li si oshimpwiyu kOlange ku kale omusita ta yakula iilyo ya ELOK mboka haa kala omayovi nomayovi. Ihe nonando kwa langekwa omusita ngaaka, onkene tu pomimvo ndhika adhihe kwa tumwa wo aasita aatalelipo ya kala nokuvithila iilyo mbiyaka evangeli mookomboni.

Otatu pandula unene aawiliki yehangano ndyoka sho haa egululile Ongerki yetu oompito okuyakula iilyo nevangeliste lyehupitho. Otatu pandula wo aawiliki mboka sho ya uvaneke okukala haa kwatha oshikethangerki shetu iimaliwa R 2,000.

OMUYEVANGELISTE GWONGERKI

Omimvo ndhika 1963 sigo 1973, tate Efraim Angula okwa kala oshilongitho shOmbepo Ondjapuki momagongalo agehe ga ELOK noondjakulwambinga dhago, moosikola nomiipangelo, mUushimba sigó kOlange. Iigongi ya tya ngaaka oya mono iiyimati noyendji oya tokola okwiigandja kOmuwa gwawo.

Oshigongingerki shomumvo 1969 osha li sha gandja oshimpwiyu kEpangelongerki li uthile tate Angula omukwathi gwe, omuyevangeliste omutiyali gwOngerki ayihe, ihe sigo onena olya nyengwa okumona omusita e shi okumanguluka miilonga ye. (Tala ke pandja lya landula)

AASITA AAKULUPE NAAYEVANGELISTE

Ehokololo olya tsikile natango kombinga yoshilonga sha simana sha longwa kaasita-gongalo nokaayevangeliste okuza nale nale sigo onena. Mbaka oya pewa esimano enene sho omumbisofi a ti:

Aakulupe yomOngerki yetu ohaye tu pe shili oshiholelwa oshiwana muudhiginini wawo wokulonga oshilonga shaKalunga omimvo nomimvo nuuladhi ihaau kundju. Ngoka a tumbulwa kedhina otatekulu Sakeus Ihuhwa gumwe gwomaayapulwa yotangotango nokwa longo oshilonga shika omimvo dhi vule 60, ihe sigo onena ehwamo lye inali lundululwa kuu-kundi wolutu.

Aayevangeliste mpagongalo ya dhiginine okweendaenda nomikunda, ihe oyendji ya kulupa, ya manene mo onkondo dhawo meyakulo ndika noyendji twa li tu na oku ya tula mopenzione ya vululukwe. Otatu pandula Kalunga sho twa gwedhelwa po aape aagundjuka.

Omumvo gweligolo

Sigo onena ohatu dhimbulukwa nenyanyu iituthi yetu ni iinene twa li twe yi ningilwa omumvo 1970 okuhambela Kalunga omolwevangeligi lya kala tali uvithwa omimvo 100 milongo yetu. Omagongalo agehe oga li gi itula mo nawa. Otwa tsuwa omukumo kochapu dhaKalunga sho dhe tu hololele kutya esindano olyaKristus.

Omolwomumvo gweligolo ngoka, aasitagongalo yetu yamwe oya talele po Soomi paindle lyEhanganotumo lyaSoomi. Aasita yatano ya edaenda nomagongalo mwiya noku uvithila Aasoomi. Aasoomi oye tu nyolele taa hokolola kutya omatalelopo gaatumwa mboka oga hwameke aakriste muSoomi muku-umba oongalo dhoshilongatumo.

OMALWEENDO GOMUMBISOFI PONDJE
YOWAMBO

Ngashi momimvo dha tetekele osho wo nomomimvo ndhika 4 dhahugunina omalweendo gandje kombanda yomafuta oga li po wo oge ndji. 1969 onda li nda ithanwa ndi ye kiiigongi yemahangano gaakwaluther kuSwitzerland, kuDenemark nonda yi wo kuSoomi.

Omumvo gwa landula twa kala moshigongi shOngongahangano yaAkwaluther naApollon Kaulinge na Asser Lihongo muEvian, Frankryk. Omumvo 1971 okuTokyo, Japan, 1972 onda li ndi ithanwa kePangelo lyaAmerika naEngland nokukundathana naantu yomahanganog i ili nogi ili noyoongerki dhi ili nodhi ili moka mwa zi wo ekwatathano ewanawa nongerki yetu. Omumvo nguka onde gu tameke muThailand, Asia moshigongi shoongerki dhomuuyuni auhe, moka omatumo agehe omakriste gomuyuni auhe ga dhimbulula ogo Etumo limwe alike lya tumwa kuKristus gumwe arike e li tumu muuyuni umwe aike nelalakano limwe alike.

Ehokololo otali yelitha nawa nkene omatalelopo ngaka gomuwilikingerki ga egulula noga thitulula omalunza ogendji gekwatho lyOngerki ndjika nosha yambapaleke Ongerki yi vule okutwakanitha iinakugwanithwa yayo.

Memengerki muSoomi oye gwotango a tumbulwa mehokololo, oyo ihe Ongongahangano yaAkwaluther nkoka kwa zi iimaliwa ya tungitha oongulu dhoosikola dhOngerki ngashi mEngela, Oshigambo, muKongo, muRundu koKavango nomuRupara.

Ongalasho onene yOngerki ya tungwa wo mekwatho ndika, oombakumbaku tadhi longo moshigwana shika, osho wo omakwath galwe. Omolwambika ayihe Ongerki oyi na ongunga yokuhambela, ehokololo tali ti.

Ehokololo olya tsikile nepulo enene kii lyo ayihe mOngerki yi dhiladhile muule kutya unake tayi ka thikama komagulu gayo yene nokutsakanitha ompumbwe adhihe dhOngerki, manga uyuni mbuka inau teta po ekwatathano naamwameme yokombanda yomafuta.

Uukumwe wAkwaluther muSuidwes

Oshigongingerki mOngerki mOngerki ndjika, shoka sha li shopaulumompumbwe, otwa li twa konakona omauthompango gehangano lyAkwaluther muSuidwes; Ongerki yaaluudhe mUshimba, (ELK), yAandovishi (DELK) noyoOwambokavango (ELCK).

Kombinga yaamwameme ya DELK moonkundathana oya li ya dhimbulula kutya ethimbo kuyo inali pya manga. Omumvo gwa yi 1972 otwa gongala moshigongingerki shuukumwe mOtjimbingwe, oongerki adhihe dhaavalelwamo, moka twa hokanathana notwa ningi VELKSWA.

Gumwe gwOngerki ndjiyaka (Kep. 4.)

EHOKOLOLO LYONGERKI YOWAMBOKAVANGO

Dha za kep. 3.

omulongi Josua Hoebeb, a hogololwa a kale omunashipundi gwoshigongerki shoka shuukumwe nagumwe gwetu tate Kleopas Dumeni a hogololwa a kale omupehashipundi. Omubisofi Auala omupresidende gwaVelkswa omimvo 6 nompêha gwe omuwilikingerki yaELK, dr. L. de Vries. Ewiliko ohali ende ngeyi kutya ngele omimvo dha pu ko aawiliki mbaka ohaa pingathana. Cpe na wo uungundulongekidho wiilongangerki yi ili noyi ili moka mu na iilyo ya za moongerki adhihe mbali dha hangana, ELK na ELOK.

Ewi lyOngerki

Manga oongerki dhetu ndhika mbali dha li inaadhi thika nawa mehanganano ndika, omwa dhimbulula nkene oongerki ndhika dha li dha longo kumwe mokuyelutha ewi lyoshigwana shaavalelwamo yomuSuidwes omumvo 1971 sho twa nyolele koministeli yotango yEpangelo lya S.A. notwe mu indile tu kundathane nooye a uve omaudhigu ga valelwamo.

Tatu mona ishewe ompito ontiyali okukundathana nooye muumvo 1973 muKaapstad. Moonkundathana ndhoka adhihe omupangeli ngwiyaka omunene gwa S.A. okwa ulukilwa kaakalelipo ya VELKSWA ii: ma mbyoka epangelo tali tegelelwa li yi lundulule omolwombili yigwana yomuSuidwes.

Otatu pandula shili Kalunga sho a gandja kaapangeli gasimanekwa ehalo lyokupulakena ewi lyOngerki tali zi momakana gaantu afupi, notatu tegelele Kalunga mwene Oye a endithe iinima pahalo lye nopathimbo lye. Ngashi Kalunga a li a lombwele oshigwana shaIsrael Ikoleleni, inamu tila, Ongame otandi mu kondjele, ne inamu tila.

OLUHODHI LWONGERKI

Momimvo ndhika omwa holokele wo iinima yimwe ye tu sitha oluhodhi. Nando yi li po oyindji, pitikilii ndje ndi tumbule nando itatu ayike ngashi; aasitagongalo yetu yamwe ya li ye na okutulwa megeelongerki omolwomakoto gasatana omukondjithi gwoshilonga shaKalunga. Ihe Kalunga na hambolelwe sho ha gandja kaantu ye eitedhululo nedhimpo lyoondjo.

Otwa sa oluhodhi wo sho omutumwa gwetu Ihmaki negumbo lye ya indikwa oku tu yakula mpaka mOngerki, nopomasiku ngaka twa si oluhodhi ishewe sho Oshinyanyangidho shOngerki noshigwana nOsitola yOmambo gOngerki ya hanagulwapo kaakolokoshi.

Ihe mumbika ayihe Ombepo yaKalunga ote tu ulukile tu tale Mwene gwOngerki Jesus Kristus ngoka a pewa oonkondo adhihe megulu nokombanda yevi nkene ta popile Ongerki ye.

Omumbisofi mosikola yesilohenda lyaKalunga

Ondi na ongunga yokuhambelala Kalunga sho a galula ndje mo meso nokwa shuna ndje momwenyo omumvo 1969 omolwomagalikaneno geni nogookuume oyendji. Kalunga okwa gwedhele ndje ko omasiku gokutsikila mosikola yokwiilonga uunene wesilohenda lye sigo oshiyimati sha pi ihe, shi kale shi shi okulikolwa po nokutoononwa po, shi pungulwe mongundu yaasilwahenda mboka ya mana ekondjo noya ka tegelela mevululuko OHANGO YONZIGONA, ina Omuwa Jesus ti ile Ongerki ye ayihe yi ze mo molweendo lweitaalo yi ka kale megwano.

Sho Kristus ta ka thikamaka shili Ongerki ye montaneho ye mwene, Ongerki ndjoka ya yogwa, ya yela noyaa na edhilo negonyoto nenge shaashoka sha fa mbika, aawe; Ongerki ondjapuki yaa na oshipo. Ef. 5:27

OMUFISHOFI AUALA NATANGO MOILONGA YA ELOK

Oshoongalelengerki sha ELOK osha indila omubishofi dr. Leonard Auala a twikile natango noshilonga shewiliko lOngerki nosha hoolola yo omufitaongalo Kleopas Dumeni a kale omukwafi womubishofi mewiliko oule weedula nhe.

Omutumba woshoongalele shOngerki omo mwa li ovakalclipo va dja momaongalo aeshe mOwambo noKavango kumwe nevafita vongerki, owa kala mOngwediva 2-7 Juli 1973.

Moule womafiku atano, oshoongalele osha kala nokukonga omatokolo moikundafanwa ihapu mwaayo shimwe sha li sha fimana ngeenge pe na omhumbwe mOngerki ku hoololwe natango o mubishofi omutivali.

Omhepo yetu oye tu lombwela kutya itatu dudu oku ku lekela u ka tulumukwe. Oshoshili kutya oukolele woye owe u nyekwa koshihauto moshiponga shoye, onghe twa pumbwa Omhepo yaKalunga tu hoolole umwe ou ta dudu oku ku kwafa.

Osho omushamane Vilho Kaulinge a tumbula medina loshoongalele komubishofi Auala. Tatekulu Kaulinge omukwanepangelongerki li kulu okwa tumbula yo nefimaneko linene moshipopiwa shaye keyambidido la meekulu Aina Auala moshilonga shewiliko lOngerki.

Eindilo lomubishofi Ongerki i hoolole omubishofi omutivali ola dja koshoongalelengerki mo 1969 fiyo oneudo. Ongerki eshi inai mona etomheho lomhumbwe ei, oya indila ashike tatekulu Auala a twikile noshilonga eshi. Okwe shi tumbula nelixupipiko linene.

EILIKANO LOMUNAMIBIA

Kalunga kange, Kalunga kange, oshike wa ekelashi nge, Neendjovo doye mwene ohandi ku ifana, Omwene, osheshi ove auke ti u udite nge ko moshili. Ove auke u shi shii eshi, eshi tashi ti, okudinwa nokukala omuhepekwa.

Onda ningi okino younyuni, ovo ve na oufemba otava sheke nge. Eshi tava tale nge meendjila, onda fa oshikungifa kuvo. Moikuranda yavo ohava hokolola nge eshi ndihe li nowino, tava fatula nge kutya ondingholwe, ombudi, omudipai, otjotji noshondolo.

Noveta yeepasha otava tula nge melulo, omayufo aeshe avo ehanauno ove a ninga molwange. Koshipala shavo kandi shi sha, shapo oshinima shongaho osho shi na okutulwa ponghulo nokulongifwa, nopehe na okupwilikina ondaka yange, elalakano lange ile omaliudo ange.

Omwene Kalunga kange, ohandi ku ifana, ha-

Omubishofi mwene okwa nyamukula kutya nelixupipiko ota tumbula eindilo a wilike natango ngeenge oku li momwenyo. Okwa xulifa ngaha eendjovo daye nomesho e yadi omahodi:

Ohandi shi itavele nani oukolele ou onde u xupifilwa ndi u longife moshipundi shewiliko. Omubishofi ota wanifa neudo eedula 65.

Tate Dumeni ou a hoololelwa oshilonga shewiwa lomubishofi okwa wina omufitaongalo Jason Amakutuwa neendaka 145 da kondjifwa keendaka 37 dovahoololi. Oku na eedula 43.

Ohatu mu halele Omhepo yaKalunga i mu wile a longe oshilonga eshi nepuniko lihapu.

mOshoondaxa amuke ile omafiku amwe olupita, ndelene onghuwo yange oyaalushe, oufiku nomutenya. Elaka lange ola kanyatela nale nokali moshookooko. Ove eteelelo lange, ende- lala okumangulula nge.

Metokopya letango ote fikama efiku alishe pamwe novahepekwa vakwetu pombelewa yeepasha Ohatu tumwa kombelewa ei nokuinya, nopokati keembelewa opo ohandi tulwa moiketanga ongoshondolo. Ohandi ingida kuove ekwafo, alikana mangulule nge diva.

Noukumbafa vange vakulu nokakofa, ohandi fikama pOshashiona moutalala nomodula. Ndi li pokakende keetekete, nghishii ngeenge ohandi ke i pewa. Ove eteelelo lange, ende- lala okumangulula nge.

Ashike mokati kaaisho ei, ihandi mwena okuku hepaulula. Moyoongalele yetu ohandi ku hambelele, osheshi ove ino tonda noino dina nande omuhepekwa umwe. Ito pilamene nande umwe wa mwena. Oto liholola ongOmukulili wovanhu.

Efiku onali ke uya, fiku ovanhu aveshe tava ka mona ouyuki woye noku u makela. Osheshi ouhamba owoye, eenghono odoye nefimano oloye, alushe fiyo alushe; nomedu yo eli
AMEN.

(La xupipikwa la dja muIMMANUEL)

+++++

Ongerki yetu yo oi shii kupandula Kalunga eshi ya mona onghenda ei okulonga oshilonga shetumo. Oshilonga eshi osha ehena komesho meedula edi. Omivalu dovashashwa vomovapaani otadi shi holola, osho yo omivalu dovalidilululi tadi holola kutya Omhepo Iyapuki otai longo oshilonga shetumo okulidilululifa ovashunimonima opo va ninge natango oilyo molutu laKristus.

Omölwoshilonga eshi meni lomaongalo nopondje yao, Ongerki oya dika po Omawilikongudu oshilongatumo mOngerki aische, osho yo moitaingerki ivali; Ouninginino noshaUkwanyama. Okwa totwa omaufo ovanashilongatumo, opo shi va kwafe moilonga yavo. V'hapu inava mona outeku, ndelene va ifanwa ashike kOmhepo Iyapuki. Moitaingerki ikwao otava ka longikida sha yo, opo ovanashilongatumo va mone ekwafu moshilonga shavo.

AANDOBE NAANGELA ONGO-
HELA TUU?

Oomeme mu ELOK, sho nda kala nale nda yuulukwa oku mu shangela opo tu idhimbulutheni kwaashono twa li twa kundathana mo 1967, oshoka sigo ompaka katwa li twa adha elalakano lyetu, otandi shi ningi ihe ngashingeyi sho ndi na enyanyu tali fuluka kwaashono twe shi ningilwa kombelewa yOngerki. Otwa peweni oshiketha shehangano lyetu moka tatu pungula mo iiniwe yetu paindilo lyetu.

Ano ngashingeyi one aakulukadhi mOngerki, otandi mu tseyithile kutya, amuhe mboka mu na nomadhiladhilo geni ohole nehalo okulongela Kalunga keni moshilonga shetumo painiwe, otuneni ompito ye eguluka.

Ushili woshinima shino nandi u ku lombwele: Tse Aangwediva otwa vutu nale nokuli oshivuto shetu. Oko shi li kOniipa mombelewa yOngerki moshiketha shedhina:

Ehangano lyaakulukadhi Aayelok

Ngashi to mono mOmukwetu No.10, 1973, owa tegelelwa u tule ko omugoyo gwoye, oshoka oshivuto hasho ontungwa. Shila nandi pule ashike: Aakulukadhi yokEngela nokOndobe, kutya ongehela tuu? Oomeme amuhe momagongalo getu, ileni tu shi iningileni, oshoka shika oshetweni yene, tse tatu imbi ngeyi

Hangano lyaatsa yoye, Omuwa li zimina. Mepya lyetumo lyoye, Natsetu longo mo.

(Josefina E.Nangolo).

Omawilikongudu aa ohna ongala kumwe okukundafana oshilonga shetumo nosha holoka kutya oshilonga mOngerki yetu otashi pumbiwa osheshi oku na ovapaani vahapu novashunimonima.

Eshi pa dimbulukiwa yo kutya pamwe otapa pumbiwa omaufomhango etumo mOngerki aische, opa hoololwa okangudulongekido kokufanekele Epangelongerki.

Meedula edi oshilongatumo oshe limonena okaume vahapu meni lOngerki nopondje yayo ovo ve litula kumwe nova ninga omahangano emo. Otwa ika okudiladila omahangano oo a fimana nohaa diinine oshilonga eshi;

Ehangano lovanyasha mOngerki nounona, lovakuli, lovanangeshefa, lovafita nolovalongi. Paife otaku popiwa lovakulukadi notitapa ka pita efimbo lile eshi lovalumochu tali ka totwa yo.

Momaongalo nomoihakulilo omwa totwa yo eengudu detumo tadi lalakenene di mone ova tumwa vado. Ohadi ongala okwiilikanena oshilonga eshi nokulonga sha nomake avo. Eengudu di li ngaha oda punikifa oshilonga mOngerki yetu.

Ofikola yetumo oya ningwa luvali momido edi; 1964 na 1973 mewiliko lomuyakuli wovanashilonga mOngerki aische, tate Toivo Pentikainen. Ovanhu va xwamekwa nova peva omikangha mokulonga oshilongatumo meongalo ile mepya letumo.

Napa dimbulukiwe kutya ofikola ei otai pumbiwa mOngerki yetu, shapu hatu lipula ashike noimaliwa apa tai hangika opo outeku u li ngaha u twikile.

Ovanashilongatumo ova ningilwa yo oyoongalelele yavo moitaingerki ile mOngwediva okupamekwa moilonga yavo.

Oshilonga osha ehena komesho natango mee-

dula edi eshi pa holoka oinyolwa momalaka amwe ovapaani ngashi melaka loludimba nomOshikwanghala, opo ovapaani yo velaka li lili va ude eendjovo daKalunga melaka lavo nOngerki oshilonga eshi i shi oku shi ilikanena shi longwe nokomesho.

ONGERKI INAYI NINGA SHA GWANA
OMOLWAAHEPEKWA

Ongerki yomOushimba oya yandja Salinde Xoa-gus nokwa ninga ekwafo linene mokati kOva-kwanghala kuKongo. Osho yo omakwafo a dja pondje okwa yakula nawa oshilongatumo mOngerki yetu. Oukumwe weengerki daKristus otau pumbiwa.

S.A. oshilongo moka ooveta kadhi shi dhopakriste nokadhi shi dhopaKalunga tadhi ningwa medhina lyakristus.

Ongerki yetu tai longo yo mOushimba noya tuma ko ovatumwa vayo. Ndele eshi oshilonga shetumo tashi kulu, opa holoka yo edila dilo pa totwe yo ombelewa omolwetumo, cpo omutumwa Omusoomi a longe mombelewa ei tette. Oilonga imwe yayo ongaashi:

Osho omusitagongalo H.J.Hendrickse a popya muJohannesburg omasiku ga zi ko.

1. Okuninga omafaneko oimaliwa yetumo noku i diinina nge tai holoka, unene oyo tai di pondje.

Moshigongi shedhano lyoshituthi shoovula 75 dhuukumwe womaitaalo nowomihoko, omusamene Hendrickse okwa ti kutya, opwa piti ethimbo ele Ongerki ye ethela ashike iinima yuupolitika kaapolitika yo yene, naashika osho omukalo gwa lolokitha ngashingeyi aaluudhe mboka ye li kohi yomahepeko.

2. Oinyolwa omolwetumo tai pumbiwa pe-fimbo eli

Ongerki nayi yeluthe ewi lyayo moshigwana okupopila uuthikepanwe waantu, osho a ti.

3. Okuyeleanifa omaudjuu nomakwafo oshilongatumo mongerki aishe paha kale unene vamwe tava hepa nosho tuu. Omunhu e li ngaha oku na oilonga inene ngenge ta monika.

Mekwatathano noshipopipiwa she, okwa tumbulwa kutya ooveta 300 dhokatongotongo odha tungwa mu S.A. moshilongo shoka taku tiwa kutya oshopakriste, muule womimvo 30.

Moilonga yokomapyo etumo onda hala okutya oilya oya pya, ovanhu ova hala okuudifilwa evangeli nokupewa ombili yaJesus Kristus.

Okwa tiwa wo natango kutya aaluudhe 632,000, oya hepekithwa kooveta ndhoka.

OMUNHU WOMWENE OYE OUYELELE WOVAPAANI
Jes. 49:6
(Paulus Andreas)

Ongerki oya ninga oshishonashona omolwaahepekwa mboka. Ooveta dhoopaasa odha yakulitha aantu ya fa iimuna nomukalo gwopantu ogwa mbonyagulwa po aaluudhe sho ya talika ya fa iiyagaya.

+++++

EENDJALULILO DOMAMBO NADI SHUNIFIE

Amushe ovo mwa pewa omambo pa "aflewers-brief" inaa shangelwa omavalulo, ohatu mu indile nefimaneko linene mu fikife odo deni kOsitola yOmambo kOniipa, opo mu pewe evalulo.

Omolwambika ayihe, Ongerki kayi vulu nando okuholeka we omutse gwayo nokayi vulu okuya ontuku oshinakugwanithwa shayo mokati kaantu yayo.

Ava mwa pewa omambo nale hatu mu indile yo mu fute eengunga deni. Paife katu na vali oukalata apa, ova pya po, ndele otwe linekela amushe otamu ka futa ngaa.

Osho omusita Hendrickse a ti.

(ECUNews)

+++++

Vakwetu, tu tamekululeni vali ofitola yetu.

Omudiinini wOfitola yOmambo:
(Anna K.Kapenda)

Ondaka yOngerki muNdowishiland

Onghalo younyuni wonena otai tu fininike tu likwatakanife naavo tava hepekwa omolwomikova davo.

Eliudopamwe nekwafelo pailonga yoovene omolwaava tava hepekwa nashi kale oshilalakanenwa shokuhanga oufemba waaveshe.

Oshilalakanenwa eshi nashi kale shomukriste keshe. (EPS)

O S I K O L A Y A A T H I T A M A T S I M E G E L A

MuAguste 1971 otwa li tu na oseminari molwiilonga mokati kaathitamatsi muGeneva, Switzerland. Otwa li mo twa za yamwe kuAmerika, ku-Asia nayamwe kuEuropa nokuAfrika, aatiligane naaluudhe. Otwa li twa ningilwa iileshwa kaanongononi yi ili noyi ili mbyoka tayi popi omuthitamatsi kombinga yi ili noyi ili. Onaudhigu ge, oompumbwe dhe, onalalakano ge, oonkambadhala dhe, ontseyonwenyo ye, ehungonwenyo lye, nosho tuu.

Oshinenenima osha li kutya omuthitamatsi ota kwathwa ngiini opo a mone esimano lyuuntu we kutya naye wo okuthike naanaa paantu mboka l... haa popi nohaa uvu ko. Oshinima oshikwawo osha li okukonga ondjila yokuuvitha ko omuthitamatsi Kalunga ke.

Mokati ketu omwa li aathitamatsi ye vule omulongo, yatano yomuyo aasitagongalo, nomukwawo omupangi, ha panga. Yakwawo oya li aagundjuka yamwe ya li nokuli aailongi mosikola yokombanda yaathitamatsi muGalladet College Washington D.C. 20002. Yamwe yomumbaka oya li ye tu ningile iileshwa iiwanawa. Oye tu longo okuuva ko omuthitamatsi kutya oye omuntu lela ngashi tse mboka hatu popi nohatu uvu ko.

Kehe gumwe gwomutse okwa li a gandja nge taa longwa, konahiya otaa ka ehokololo lye pakunyola nopakupopya nginga aasitagongalo, aapangi naalyiilonga mokati kaathitamatsi moshi-niilonga yi ili noyi ili. Oondulongo shawo. Ayehe sho ya hokolola, nge kaye vulike nando komuntu, onda ndhindhlike kutya nani tse kukupopya okwo ashike kaye shi. Suidwes otu li konima yaayehe moshilonga shika.

Yamwetu oya holola kutya oye na oosikola dhi ili nodhi ili sigo oosekundo noosikola dhokombanda. Oye na aalongi yokulonga aathitamatsi, aasita, aayakuli yopasosiale mokati kaathitamatsi omagongalo gaathitamatsi, oondohotola taa longo mokati kaathitamatsi nosho tu.

Aathitamatsi nayo oshifetha sha-Kalunga naanaa ngashi tse. Oye holike kuKalunga naanaa ngashi e tu hole. Sho twa hala okutseya oye thike peni, tuma ano omadhina gawo kEngela, oovula dhe, noludhi lwe omulumentu nenge omukiintu Oovula ngele itadhi tseyika, tengeneka.

Tse kombinga yetu katu na shoka tu na po, lago enene okambo ka ABD opo tatsu ka tameke. Elaka lyo lyene lyawo opo ya uvathane naantu yalwe, inatu li foloma natango.

Jesus ta ti: "Ayihe mbika mwe yi ningile gumwe gwaambaka aashuushuka, ongame mwene mwe yi ningile. +++++++"

Onda hala ndi ku lombwele kutya sigo onen, katu shi kutya otu na aathitamatsi yangapi nevi lyetu alihe. Lwopehulilo lyomuvo 1970, onda li nda tu mu ooforna komagongalo agehe mu nyolwe omadhina gawo, ihe ooforna ndhoka dhimwe inadhi galuka natango.

Tuma oombapila ndhoka kEnongelo lyaayakuligongalo kEngela, Owa uva tuu kutya osikola yaathitamatsi otayi tameke mEngela? Aathitamatsi yetu nge taa

O M U K W E T U
Oye oshifo shOngerki onkwaevangeli pa-Luther yomOwambokavanno. Ohashi nyanyangidhwa mOniipa.
Omukuluntu gwOshifo dr. Leonard Auala Amushanga gwOshifo Sebulon Ekandjo.
Ondando yOshifo komumvo muSuidwes nomuSuid-Afrika R 1,00 kombanda yomafuta R 2,00.
Oondando nomambesitelo naga tuminwe kOmukwetu, Oniipa, P/Bag 2013, ONDANGWA.
Ngoka to tseyitha sha shoye mwene moshifo shika, oto futile ehala ndyoka